

四明叢書

張宗祥



史
略

序

余讀高續古先生史略既卒業慨然於作述之難有
史公司馬談而無遷則談之志何以繼有學士高炳
先生注史記而無續古則學士之書將泯然矣學士注
史記極意覃思積功二十年既絕筆續古悉整以論今
攷之寧波府縣及餘姚縣藝文志均未采錄惟鄞縣藝
文志經部有天官集註子部又有天官書集註蓋未知
學士之注史記既分載於經子而闕於史部甚矣蒐訪
之難也續古著史略爲時僅二十七日後世以其成書

之易讀其罅漏之多安知不由學士注史記時一一搜
輯於先而續古成之之速者藉此乎然商權千古鈐括
百家於此可見一斑而學士史記之註一百三十卷固
是以著非特津逮後學卽向之邑志之誤傳者亦得糾
正焉是書之存其裨補豈淺眇哉抑讀其輯劉勰論史
有曰勲榮之家雖庸夫而盡飾屯貶之士雖令德而蚩
埋余小子私心惴惴懼躬蹈之故於鄉先生遺書採訪
尤徧於屯貶則受續古先生之教也因書以爲序時民
國二十一年二月後學張壽鏞

光緒餘姚縣藝文志

高似孫子略四卷目錄一卷

四庫提要原書卷首冠以目錄始漢書所載次隋志

所載次唐志所載次庚仲容子鈔馬總意林所載次鄭
惟通志藝文略所載皆削其門類而存其書名略注撰
八卷數於下其一書而有諸家注者凡三十八家以其會粹諸
家編字附錄焉其有題識者凡三十八家以其會粹諸
家目所見之本猶近古終非焦竑經列錄十卷要此
籍志之流輾轉取襲徒構虛詞者比
縣志也岷為漢判縣地故名曰剡錄前有嘉定甲戌似
孫自序及嘉定乙亥岷縣令史之安序其書徵引極為
該洽唐以前佚事遺文頗賴以存其先賢傳每事必注
其所據之書可為地志紀人物之法其山水記仿鄒道
元水經注例脈絡井然而風景如覩亦可為地志紀山
水之法統核全書皆敘述有法簡潔古雅迥在後來武
功諸志之上

緯略十二卷

宋史藝文志千頃堂書目入司馬
泰廣說郛第三十二卷四庫提要

似孫嘗輯經略史略子略集略騷略及此書今惟子略騷略與此書存書錄解題論其讀書以隱僻爲博其作文以怪誕爲奇然考證之學正不嫌其博而是編所引亦皆四庫所著錄非馮贄之流詭詞炫俗者比固不得以隱僻議也其言篤實無所贋託終出楊文苑英華鈔慎丹鉛諸錄之上亦考古者所必資矣

四卷 四庫提要要編乃采摭文苑英華中典雅字句可刻本仍以原目爲次不分卷數以似孫原序考之當時實分四卷也其中以諸本參校如呂令開蓮峯賦別本皆作氣開秋爽此本則作氣涵秋爽賈至早朝詩別本皆作其沐恩波鳳池上朝朝染翰侍君王此本作其沐恩波鳳池裏終朝默默侍君王李羣玉黃陵廟詩別本皆作迴風日暮吹芳芷此本作東風日暮吹香芷皆小有異同韓愈汴州東西水門記別本俱作請紀成績此本作皆請紀其成績又遂極其危句此本作遂持危亦皆韓集舉正韓文考異所未載其搜羅亦頗該洽

自序謂周必大奉敕校文苑英華是書有助焉

硯箋

四卷

書錄解題一卷天一閣書目三卷千頃堂書目作四卷四庫提要要書成於嘉定癸未前有自序第

一卷為端硯分子目十九卷中硯圖一類列四十二式注曰篆石亦如之然圖已不具意傳寫佚之也第二卷為歙硯分子目二十第三卷為諸品硯凡六十五種第四卷則前人詩文其詩文明題曰端硯歙硯者已附入前二卷內是卷所載皆不標名品故別附之諸品後耳宋志所錄硯譜今存者尚有四五家大抵詳於材產質性而罕及其典故似孫此書獨晚出得備采諸家之說又其學淹博能旁徵羣籍以為之佐證故敘述頗有可觀如端州綫石為諸品所不載據王安石詩增入亦殊賅洽錢曾讀書敏求記亦稱唐人言吳融八韻賦古今無敵惜乎亡來已久此存得古瓦硯賦蟹略四卷四庫一篇歸然齋靈光也則亦頗資考據矣蟹略四卷提要一篇以傅肱蟹譜徵事太略因別加哀集卷一曰蟹原蟹象卷二曰蟹鄉蟹具蟹品蟹占卷三曰蟹貢蟹饌蟹牒卷四曰蟹雅蟹志賦詠每門之下分條記載多取蟹字為目而系以前人詩句采摭繁富究為博雅遺篇佚

句所載尤多視傳譜終爲勝之云

文選句圖一卷

書錄解題作選詩句圖四庫提要摘句

圖始於張爲其書以白居易等六人爲主以楊乘等十八人爲客主分六派客亦各有上入室入室升堂門四格排比聯貫事同譜牒故以圖名似孫此書亦沿舊名所錄皆文選諸詩煙雨集騷略三卷四庫提要是一篇集杜甫詩八句柳宗元詩四句爲之

鄞縣志本傳

高似孫字續古

書錄解題

夙有俊聲詞章敏贍

攻媿集

程大昌

演繁露初成文虎假觀似孫年尙少竊窺之越日程案

問原書似孫因出一帙曰繁露詰其閒多大昌所未載

而辨證尤詳大昌盛賞之

齊東野語

登淳熙十一年進士慶

志爲會稽縣主簿吏道通明樓鑰除給事中嘗舉以自

代

攻媿集

後爲禮部郎守處州

延祐志○案句餘土音注作禮部侍郎知處州累

官中大夫提舉崇禧觀似孫博雅好古

晚家於越

延祐志○案鮑埼亭外集晚年始遷姚江而諸弟如衡孫等仍居甬江

爲嵗令史安之作

刻錄而文物掌故乃備卒贈通議大夫似孫子歷字堯
象爲溫婺等處通判積階朝奉郎

嶧縣志

自序

太史公以來載籍之作大義粲然著矣至於老蝕牛瓦
著力汗青何止間見層出而善序事善裁論比良班馬
者固有犖犖可稱然書多失傳世固少接被諸籤自往
往莫詳況有窺津涯涉閭奧者乎乃爲網羅散軼稽輯
見聞采菁獵奇或標一二仍依劉向七錄法各彙其書
而品其指意後有才著思欲商權千古鈐括百家大筆
修辭緝熙盛典殫極功緒與史並驅其必有準於斯寶
慶元年十月十日修十一月七日畢似孫序

史略卷一

宋鄞縣高似孫續古撰

太史公史記

太史公自序

諸儒史議

續史記

史記注

先公史記注

史記雜傳

史記考

史記音

史記 一百三十卷

漢太史令司馬遷字子長譔按漢書藝文志云十篇缺有錄無書衛宏舊儀云武景紀爲武帝削去遷歿之後遂亡景紀禮書樂書律書漢興以來將相年表三王世家日者龜策傳斬列傳元成間褚少孫補缺

太史公自敘

太史公旣掌天官不治民有子曰遷遷生龍門耕牧河

山之陽年十歲則誦古文二十而南游江淮上會稽探
禹穴窺九疑浮沅湘北涉汶泗講業齊魯之都觀夫子
遺風鄉射鄒嶧阨困蕃薛彭城過梁楚以歸於是遷仕
爲郎中奉使西征巴蜀以南略邛笮昆明還報命是歲
天子始建漢家之封而太史公留滯周南不得與從事
發憤且卒而子遷適反見父於河雒之間太史公執遷
手而泣曰子先周室之史也自上世嘗顯功名於虞夏
典天官事後世中衰絕於子乎女復爲太史則續吾祖
矣今天子接千歲之統封泰山而予不得從行是命也

夫命也夫子死爾必爲太史毋忘吾所欲論著矣且夫
孝始於事親中於事君終於立身揚名於後世以顯父
母此孝之大也夫天下稱周公言其能論歌文武之德
宣周召之風達大王王季思慮爰及公劉以尊后稷也
幽厲之後王道缺禮樂衰孔子修舊起廢論詩書作春
秋則學者至今則之自獲麟以來四百有餘歲而諸侯
相兼史記放絕今漢興海內一統明主賢君忠臣義士
予爲太史而不論載廢天下之文子甚懼焉爾其念哉
遷俯首流涕曰小子不敏請悉論先人所次舊聞不敢

闕卒三歲而遷爲太史令紬史記石室金縢之書

二

余聞之先人曰慮戲至純厚作易八卦堯舜之盛尙書載之禮樂作焉湯武之隆詩人歌之春秋采善貶惡推三代之德褒周室非獨刺譏而已也漢興已來至明天子獲符瑞封禪改正朔易服色受命於穆清澤流罔極海外殊俗重譯款塞請來獻見者不可勝道臣下百官力誦聖德猶不能宣盡其意且士賢能矣而不用有國者恥也主上明聖德不布聞有司之過也且余掌其官

廢明聖盛德不載滅功臣賢大夫之業不述墮先人所
言罪莫大焉余所謂述故事整齊其世傳非所謂作也
而君比之春秋謬矣於是論次其文十年而遭李陵之
禍幽於纍紲迺喟然而歎曰是余之辜夫身虧不用矣
退而深惟曰夫詩書隱約者欲遂其志之思也卒述陶
唐以來至于麟止自黃帝始五帝本紀第一夏本紀第
二殷本紀第三周本紀第四秦本紀第五始皇本紀第
六項羽本紀第七高祖本紀第八呂后本紀第九孝文
本紀第十孝景本紀第十一今上本紀第十二三代世